



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Confessio oder Bekantnus des Glaubens/ etlicher Fürsten vnd Stedte**

**Jonas, Justus**

**Wittemberg, 1540**

**VD16 C 4751**

Von dem wort/ Messe.

**urn:nbn:de:hbz:466:1-34757**

ten solle / ihnen vergebung der sünde zuerlangen /  
Denn solchs were stracks widder den glauben /  
nemlich das die Messe / oder die eusserlich Ceremo-  
nie / one den glauben jmands helffe / from vnd se-  
lig mache.

### Don dem wort / Messe.



Es ist zu sehen / welche grobe Es-  
sel vnser Widderfacher sind. Sie sa-  
gen das wort Missa kome von dem  
wort Misbeach / das ein Altar  
heist / Daraus sol folgen / das die  
Messe ein opffer sey / denn auff dem  
Altar opffert man. Item / das wort Liturgia /  
wie die Grecken die Messe nennen / sol auch ein op-  
ffer heissen / Darauff wöllen wir kurtz antworten.  
Alle welt sibet / das aus diesen gründen / dieser  
Heidnisch vnd Antichristisch irthumb nicht fol-  
gen müsse / das die Messe helffe / ex opere operato,  
sine bono motu vtentis, Darumb sind sie Esel / das  
sie inn solcher gros wichtigen sache / so vngereimet  
ding furbringen. Auch so wissen die Esel kein Grä-  
matica / Denn Missa vnd Liturgia heissen nicht op-  
ffer / Missa heist Debraisch ein zusammen getragen  
steuer / Denn also ist etwa die weis gewesen / das  
die Christen / speis vnd tranck zu gut den armen /  
inn die versammlung gebracht haben / Vnd solche  
weis ist von Jüden herkomen / die auff ihre fest  
mussten solche steuer bringen / die nennetē sie Missa  
Dd iij la/vnd

### Vom rechten brauch

sa' / vnd ist eine rechte freundlich vnd löbliche Ceremonia gewesen / zu gut den Priestern vnd armen geordnet / welchen dadurch geholffen wurde. Solche weis ist hernach inn das gelt opffer verwandelt / das man den Priestern auff den Altar bringet.

So heisset Liturgia Griechisch / eigentlich ein ampt / darin man der Gemein dienet / Das schickt sich wol auff vnser lahr / das der Priester da / als ein gemeiner diener / den ihenigen / so Communicirn wöllen / dienet / vnd das heilig Sacrament reichet.

Etliche meinen Missa kom nicht aus dem Hebraischen / sondern sey als viel als remissio / vergebung der sünde / Denn wenn man Communicirt hat / hat man gesprochen / Ite Missa est / Zihet hin / Ihr habt vergebung der sünde / Vnd das dem also sey / zihen sie an / das man bey den Grecken gesprochen hat / La is aphelis / das ist auch so viel / ihnen ist verziehen / Wo dem also / were dieses ein feiner verstand / Denn es sol allezeit bey dieser Ceremonien / vergebung der sünden geprediget vnd verkündiget werden / doch ist diesem handel wenig geholffen / das wort Missa heis was es wolle.